

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-04-02-39674/21
Sarajevo, 17.11.2021. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

- SKUPŠTINA KANTONA SARAJEVO

Služba za skupštinske poslove

- OVDJE -

- VLADA KANTONA SARAJEVO

Stručna služba Vlade

- OVDJE -

Predmet: Odgovor na zastupničku inicijativu , dostavlja se

Zastupnica Neira Dizdarević, je na 43. Radnoj sjednici Skupštine Kantona Sarajevo, održanoj dana 22.10.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, podnijela zastupničku inicijativu kako slijedi:

"Da li postoje zakonske prepreke (u smislu nadležnosti) da Kanton Sarajevo uredi oblast postupka prijema u radni odnos, vezano za omjer pismenog i usmenog ispita na intervjuima prilikom prijave na konkurse u javnim institucijama Kantona Sarajevo?

Naime, sadašnji omjer (60% pismeno i 40% usmeno) ostavlja veliki prostor za zloupotrebe i vrednovanje tzv. ličnog dojma, gdje postoji velika mogućnost da prvorangirani ne budu i najkvalifikovaniji kandidati za prijem u radni odnos u javnim institucijama Kantona Sarajevo.

Molim vas da ovu inicijativu uzmete u razmatranje, ili me izvjestite koje propise je potrebno izmijeniti, kako bismo ovu oblast što kvalitetnije uredili. Smatram shodnim da u navedenom postupku zahtijevamo i stav Ureda za borbu protiv korupcije i upravljenje kvalitetom."

Nakon što smo razmotrili navedenu inicijativu, dajemo sljedeći odgovor:



web: <http://mrsri.ks.gov.ba>
e-mail: mrsri@mrsri.ks.gov.ba
Tel: +387(0)33 562-089, Fax: +387(0)33 562-090
Sarajevo, Reisa Džemaludina Čauševića 1



Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) predložilo je Vladi Kantona Sarajevo, a Vlada Kantona Sarajevo je, na osnovu člana 20a. stav (4) Zakona o radu ("Službene novine Federacije BiH", br. 26/16 i 89/18), donijela Uredbu o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj: 19/21) (u daljem tekstu: Uredba).

Navedenom uredbom uređen je postupak prijema u radni odnos na određeno i neodređeno vrijeme na teritoriji Kantona Sarajevo u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala, osim ako posebnim propisom nije drugačije određeno.


Članom 8. stav (10) navedene uredbe propisano je da se poslovníkom o radu Komisije za provođenje postupka prijema u radni odnos definiše način provođenja pismenog, usmenog, praktičnog ispita odnosno audicije i kriteriji bodovanja kandidata, te da se pismeni ispit može vrednovati sa najmanje 60%, a najviše 70% od ukupnog broja bodova.

Ministarstvo je pri donošenju Uredbe konsultovalo Ured za borbu protiv korupcije i upravljanje kvalitetom Kantona Sarajevo (u daljem tekstu: Ured) i tekst Uredbe izradilo u saradnji sa Uredom.

Obzirom na navedeno, Ministarstvo će pri budućim izmjenama i dopunama Uredbe uzeti u razmatranje Vašu inicijativu, te će također, kao i do sada, konsultovati Ured.

S poštovanjem,

Pripremio: Zoran Timarac, šef odjeljenja [REDACTED]
Kontrolisao: Nuriya Hodžić, pomoćnik ministrice [REDACTED]



Dostaviti:
1. Naslovu,
2. A/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: +387(0)33 562-089, Fax: +387(0)33 562-090
Sarajevo, Reisa Džemaludina Čauševića 1

